



河南先生文集二十七
卷附錄一卷

宋尹洙撰
明抄本
八册

本部书开始

书 号 8439

本片卷含



河南先生文集序



高平范仲淹撰

予觀堯典舜歌而下文章之作醇醜迭變代無窮乎
惟抑末揚本去鄭復雅左右聖人之道者難之近則
唐正元元和之間韓退之主盟于文而風雅最盛懿
僖以降寢及五代其體薄弱

皇朝抑仲塗起而麾之髦俊率從焉仲塗門人能師
經探道有文於天下者多矣洎揚大年以應之才獨
步當世學者刻詞鏤意以希髣髴未暇及古也其甚

者專事藻飾破碎大雅反謂古道不適於用廢而弗
學者久之洛陽尹魯少有高識不逐時輩與穆伯長
游力為古文而師魯深於春秋故其文謹嚴辭約而
理精章奏疏議大見風采士林始聳慕焉復得歐陽
永叔從而振之由是天下之文一變而古是大有功
於道也其吾儒之盛欤師魯天聖二年登進士第後
中拔萃科從事於西都時洛守王文正沂公王文康
公繼加禮遇遂引薦于

朝真之文館尋以論事切直貶監郢州市征後起為
陝西經略判官屢更邊任遷起居舍人直龍圖閣知
潞州以前守平涼日貸公食錢于將佐議者不以情
復貶漢東節度副使歲餘監均州市征于方守南陽
郡一旦師魯羸疾而來相見無一言家人問後事不
荅予即告之日師魯之文行將與韓公稚圭歐陽永
叔述之以貽後代君家雖貧共當捐俸以資之君其
端心清神無或後憂師魯牽手曰公言盡矣我不復
云翌日往視之不獲見傳言曰已別矣遂隱几而卒
故人諸生聚而泣之且歎其精明如是剛決如是死

生弗能亂其心可不謂正乎死而不失其正君子何少哉師魯之才之行與其履歷則有永叔為之墓銘惟幸為之墓表此不備載噫師魯有心於時而多難不壽所為文章亦未嘗編次有先傳於人者索而類之成二十七卷亦足見志也已故序之

河南先生文集目錄

卷一

皇雅十篇

天監

西師

耆武

憲古

大鹵

帝籍

庶工

帝制

皇治

太平

律詩七首

贈三鄉浮屠智聰一首

和人過韓柱國廟一首

過興平哭耿諫議喪一首

和河東都運施侍制二首

隨州聞劉易入終南山一首

卷二

雜擬九篇

叙燕 息戎

述享 審斷

厚刑 敦學

矯察 考績

廣諫

卷三

雜文九篇

河東府請解投贄南北正統論一首

攻守策頭問耿傳一首

憫忠 辨誣

兵制 退說

好惡解三篇

卷四

記十二首

襄州峴山亭記

鞏縣孔子廟記

伊闕縣築堤記

志古堂記

張氏會隱園記

王氏題名記

秦州東西城記

潞州題名記

岳州學記

書禹廟碑陰

題揚少師書後

題祥符縣尉廳壁

卷五

序十首

郢州送路綸寺丞一首 并詩

送李侍禁一首

送浮屠奉堅一首

送王勝之贊善一首

浮圖秘演詩集序

送隨縣尉一首

送浮屠迥光一首

送光化縣尉一首

送供奉曹測一首

送兵齋郎一首

卷六

書啓

上葉道卿薦李之才書一首

上陝倅尚屯田書一首

答秘丞黃書一首

上京兆杜侍郎戲一首

上呂相公書二首

上夏宣徽小啟一首

卷七

書啟

答環慶招討使范希文書一首

與范純佑監簿書一首

上環慶招討使范希文書一首

永寧寨答韓觀察出軍利害書一首

與儀州曹穎叔殿丞書一首

賀叅政范諫議啟一首

賀樞密富諫議啟一首

卷八

書啟

渭州謝宣撫樞密韓諫議書一首

又議西夏臣伏誠偽書一首

又議修堡寨書一首

又議斬首級賞罰書一首

上陝西都運孫侍制書一首

上樞密杜太尉啟一首

與汾州通判刘几太傅書一首

上四路招討使鄭侍郎議賊書二首

卷九

書啟

答秦鳳路招討使文允圖書二首

與四路招討司李諷等書二首

與永洛董士廉策三書一首

與幕吏石輅李仲書^昌一首

答諫官歐陽舍人論城永洛書一首

卷十

書啟

答河東宣撫參政范諫議啟一首

答樞密韓諫議書一首

賀兗州杜相公啟一首

答河北都轉運歐陽永叔允圖書一首

答鎮州田元均允圖書一首

與鄧州孫之韓司諫書二首

上鄧州范資政啟一首

答揚州韓資政書一首

答福州蔡正言書一首

答章固太博書一首

卷十一

書啟

答計用章秘書一首

答汝州王仲儀待制書二首

答鄧州通判韓宗彥寺丞書二首

答環慶經畧使施待制書一首

答李伯昂秘校書一首

答張子立即中書一首

答鄧州李仲昌寺丞書一首

答謝景平監簿書一首

答江休復學士書一首

與劉察院薦樊景書一首

答致仕李康伯率府書一首

別南京杜少師啟一首

卷十二

行狀碑

故太子賓客分司西京謝公行狀

故知同州軍州事李公行狀
故王文康公神道碑銘

卷十三

表碣述誌銘

故尢圖閣直學士刘君墓表

將仕郎衛君墓表

朝奉郎王君墓碣銘

王先生述

太中大夫王君墓誌銘

太子少傅趙公墓誌銘

卷十四

誌銘

故三班奉職尹府君墓誌銘

故將作監主簿陳君墓誌銘

故安縣君李氏墓誌銘

故夫人王氏誌銘

故鄉貢進士謝君墓誌銘

故陽翟令趙君墓誌銘

故霸州知州張公墓誌銘

故直史館陳公墓誌銘

卷十五

誌銘

故天水尹^府君墓誌銘

故朝奉郎耿公墓誌銘

故大理寺丞皮君墓誌銘

故夫人黃氏墓誌銘

故宣德郎侯君墓誌銘

故太常博士何君墓誌銘

故贈秘書丞左君墓誌銘

故金紫光祿大夫李公墓誌銘

卷十六

誌銘

故朝散大夫張公墓誌銘

故太中大夫韓公墓誌銘

故轉運使韓公墓誌銘

故西京留守盧公墓誌銘

故西京左藏庫使王公墓誌銘

卷十七

誌銘祭文

故金紫光祿大夫張公墓誌銘

故朝奉郎張公墓誌銘

故朝散大夫李公墓誌銘

故將仕郎任君墓誌銘

祭僕射王沂公文

祭謝舍人文

卷十八

表疏

乞坐范天章貶狀

論命令恩宥賜予三事

論朝政宜務大猷疏

論朋黨疏

進正觀十二事表

論城永洛利害表

卷十九

劄子

乞延對大臣議邊事

乞講求用兵故事

論諸將益兵二首

論遣使不當強而使之

乞減省寨柵

乞計置邊事特出睿斷

乞帥臣自募廉從

乞省寨柵騎軍

乞募土兵

乞鬻民爵以給募兵之用

乞半年一次詣闕奏事二首

卷二十

奏狀

奏軍前事宜狀

奏論金明寨狀

奏閱習短兵狀

奏論戶等狀

奏令環慶路與涇原路相應發兵馬牽制賊勢事

奏為近差赴邠延路行營其兵馬乞移撥往環慶路事

奏為已發赴環慶路計置行軍次第乞 朝廷特降指揮

奏為到慶州聞賊馬寇涇原路牒劉政同起發赴鎮戎軍策應事

奏為擅易慶州兵救援涇原路事

奏金湯一帶族帳可取狀

卷二十一

奏狀

奉詔躡量本路將佐狀

奉詔及四路司指揮分擘本路兵馬弓箭手

把截賊馬來路狀

論雪部署狄青回易公使錢狀

奉詔令劉滄等往永洛城勾當狀

乞與鄭戩下御史臺昭對永洛事狀

論雪石輅狀

卷二十二

奏狀

奉詔分析董士廉奏臣不公事狀

覆奏監察御史李京劄子狀

軍制

鬻爵法

獲首級例

卷二十三

奏議代耿傳作

議攻守

用屬國

按地圖

制兵師

備北狄

卷二十四

申陝西招討司狀

申揀選軍馬狀

申軍前事宜狀

乞招清邊弩手狀

申鄉兵教閱狀

申鄉兵弓輪蕃教閱狀

申和雇人修城狀

與延帥論事狀三首

秦州申本路招討使狀

卷二十五

申狀

申宣撫韓樞密乞修安國鎮狀

申四路招討司論本路禦賊狀并書

分折公使錢狀

申四路安撫使范資政乞於乾華州聽候朝

旨狀

卷二十六

五代春秋

卷二十七

五代春秋

附錄

本傳

墓表

祭文

墓誌

論尹師魯墓誌

祭

乞與尹構一官狀

雜見事跡

河南先生文集目錄

河南先生文集卷第一



皇雅十篇

天監 西師 耆武 憲古 太鹵

帝籍 庶工 帝制 皇治 太平

律詩七首

贈三鄉浮圖智聰一首

和人遇韓柱国庙一首

過吳平哭耿諫議喪呈經畧副使韓憲學一首

舟次壽州寄濠州江少卿一首

和河東都轉運施待制二首

隨州聞劉易入終南山一首

皇雅十篇

天監受命也自梁至于周兵難不息 宋受命統一
萬方焉 天監下民亂靡有定甚武且仁祚厥真
聖仁實懷徠武以執競匪虔匪刘拯我大命自昔外
禪曰經曰營令以挾制政以陰傾帝初治兵志勤于
征奄受神器匪謀而成淮路弗虔卒汙叛逆戎輅戒
嚴皇威有赫彼寇註民吾勇其百殄厥渠魁貸其反
側帝朝法官左右宗公伎夫悍士以雍以容尔居尔
室尔工尔農既息既養惟天子功

天監四章章八句

西師征蜀也

王用西師岷梁弗賓匪曰負固突交晋人予訓予誓
念我將臣正厥有罪無庸傷民矯七虎士載摧其壁
于嗟孟侯亦果其策迎師而降靡抗鋒鏑豈独自謀
完是宗國蜀都既平將臣失律此衆悍驕彼民危慄
當塗叫呶合萬為一匪懷則威帝心是恤帝曰將臣

予嘉乃庸廢命毒民尔弗有終邦典刑疑惟罪惟功
靡強而削協于厥中帝曰孟侯受封于楚淑旂琯戈
備物異數俾尔族姻及乃文武服在王庭靡不有序
蜀民呼歌天子威靈保我者封暴我者刑匪功是私
匪若是陵天子惠民疇敢不承

西師六章章八句

者武受俘也命將我南海平金陵俘二王以獻

者武定功時惟二方淮服其羨海南遂荒孰孱而盤
孰暴而猖自底不聽乃終滅亡帝戒二俘同即尔誅
予惟民無辜休息是圖時其輯矣寧威獨夫帝嗟汙
邦久罹于兵或暴不以征或敷雪以刑予命中典協
于國經民服德音室家以寧

者武三章 二章八句一章六句

憲古今守臣也削其附庸以強帝室焉
帝懷永圖治古是憲四方守臣惟屏惟翰在昔艱難
弗惠訓典跨都連城高牙以建有土有民肆乃征繕
以息以容終焉叛換凡今帥臣狃厥聞見匪革亂原
曷清多難帝告庶邦式是典彝元侯顯父戚臣宗支

正乃封圻予一人是毗凡曰附城周尔俾之畜兵厚
賦靡尔得私毋恣而国作福作威天子有命畴敢不
祇子孫承之唯萬世規

憲古二章章十六句

大鹵王師討晉罪也

冀州之疆粵惟大鹵俗伎而專地扼而固協比幽都
蕩搖邊圉三垂旣夷亮威弗沮帝御六師百萬貔虎
剪其附庸至于城下鋒鏑始交梯衝如舞蠢尔孱王
請附降虜我士奮揚願究吾武皇帝曰吁念彼黎庶
匪鯨匪鯢復為王土晉郊旣平九區以寧陳功太庙
告假威靈在昔武王于商觀兵維我藝祖亦勤于征
匪貸晉罪侯厥貫盈聖作聖繼魏之相承皇矣二后
功莫與京

太鹵二章一章二十二句一章十四句

帝籍修故典也躬耕以劭農焉

帝籍于郊典儀具陳務農以訓供祀以勤之祀在誠
匪勤于人訓農以實匪訓以文帝慎二物乃躬乃親
公侯卿士暨厥庶民千甸有制飭執惟寅帝賚高年

式宴且喜種_七黃髮族立而訖我生艱難暴亂以繼
耳徂金鼓目狎戎器皇其我圖親講農事有子有孫
力田孝悌鼓舞至仁薰焉如醉

帝籍二章章十四句

庶工任賢也

帝次庶工疇其輔予俊又以登厥勞乃圖匪忘奮勲
非賢勿俞巍_七衮台盛德以居任賢伊何昌言是庸
勉告尔猷罔恤迺躬豈無猶辭佛于予秉予不尔疵
尔無面從始時從官戎容揚_七金帝左右儒冠煌_七
朝廷以尊文物典章得之盛弈世重光

庶工三章章八句

帝制北方請盟也

帝制萬邦罔有弗賓蠻夷戎狄羈而勿臣威格三方
稽顙獻琛單于革心願交使人帝謀公卿列侯庶技
咸曰彼心暴戾陰狡既擾我疆復利吾室無若勵兵
褫其還道皇曰有衆予實念茲戰無必勝矧其歸師
借曰大獲疇能及之益俾餘醜毒吾朔陲乃俞其盟
北州以綏在漢世宗抗威北戎暴農筭商經用弗充

中土震騷漢南始空降及後世猶稱厥功於穆聖考
德無與偕匪勤于兵北人遂來逮是五紀遠俗以懷
生民休息嗚呼仁哉

帝制五章四章章八句一章十句

皇治慎刑也 帝仁于用刑在位者以寬恤為治焉
皇底其治欽哉惟刑在疑而宥罔察為明愛怒弗肆
孰為重輕毋一弗辜惟興之平前世理官倚法以刻
匪彼為仇蓋曰任職今之蔽獄務正其辟鑒于前人
繫我仁德皇德在仁寢而成夙公侯卿士靡不率從
靡邛萌生成保厥終不鄙不夭樂哉融

皇治二章章八句

太平封祀告成功也

噫噫太平無象兮世烏得而知維盛德可迹兮其封
祀之儀東代宗兮西汾睢礼上灵兮窟地祇皇有征
兮吾民以嬉皇有祈兮吾民是私天敷佑兮俾皇之
釐永世億寧兮無疆之基

太平一章八句

律詩

贈三鄉浮圖智聰一首

伊昔相逢日于今二十年師隨安樂住我豈利名牽
自笑真從尔何如養浩然西門女几路未得賦埭田

和人過韓柱國廟一首

隋氏一字內三將皆勇夫賀公活以累揚素死有誅
賢執韓柱國身與功名俱廟食垂後世祀典誠有諸
荒忽臨終言遂此惑庸愚

過興平哭耿傳諫議喪呈經略韓密學一首

去年使旆西征日一見稱君膽氣豪始信推心待國
士能令視死如鴻毛從來投筆輕文吏自此橫尸貴
尔曹槐里今朝逢轉旒依然旧館一長號

舟次壽州寄濠州江鈞少卿

雨漲灘頭沙已空一帆西上快清風誰知去郡遲
意犹逐淮波日夜東

和河東施待制二首

已成沈約難并恨且奉陶公有恨盃感事傷春多少
意星斗漸入鬢中來

又一首

千里觀風使節來百城舒慘繫行臺威嚴少霽猶知
幸誰信芳樽鎮日開

隨州聞劉易入終南山

神驥渴死追無蹤
离婁眩目迷虛空
九懼懼游尚故
處一日忽在南山
峯附勢趨摧徒擾
亡生歌死哭何
忘亡人間萬事
既能了莫教聲譽
過關東

河南先生文集卷第一

河南先生文集第二

雜議九篇

叙燕 息戍 述享 審斷 原刑

敦學 矯察 考績 廣諫

叙燕

戰國世燕最弱二漢叛臣持燕挾虜幾能自固以公
孫伯珪之強卒制於袁氏獨慕容垂乘石虎亂乃并
趙虫勝敗異術大槩論其強弱燕不能加趙亡魏一
則燕固不敵唐三盜連衡百餘年虜未曾越燕侵趙

魏是燕，独能支虜也。自燕喪於虜，七日熾大顯德。世雖復三閔，尚未尽燕南地。國初虜與拜合，勢益張。然止命偏師備禦，師伐蜀，伐吳，秦，然不以兩河為顧。是趙魏足以制虜，明矣。拜寇既平，悉天下銳，專力於虜。不能攘尺寸地，頃嘗以百萬衆駐趙魏，訖敵退，莫敢抗。世多咎其不戰，然我衆負城，有內顧心，戰不必勝。不勝則事亟矣，故不戰未嘗咎也。原其弊在兵不分。設兵分為三壁，于爭地犄角，以疑其勢，設戩以待其進，邊壘素固，馭民以守之，俾其兵頓堅城之下，乘間夾擊，無不勝矣。蓋兵不分有六弊，使敵畜勇以待戰，無他支梧一也。我衆則士怠二也。前世善將兵者必問凡何，今以中才，尽主之三也。大衆儻北，彼遂長驅，無復顧忌四也。重兵一屬，根本虛弱，織人易以于說五也。雖委大柄，不無疑貳，復命貴臣監督，進退皆由中，御失於應變六也。兵分則易，其弊是有六利也。勝敗兵家常勢，悉內以擊外，夫則奉所有以奔之，符堅淝水，歌舒翰潼關是也。是則制敵在謀，不在衆。以趙魏燕南，益以山西民，足以守兵，足以戰，分而帥之。

將得專制就使偏師挫衄它衆尚奮詎能繫國安危
哉故師震于外而本根不搖者善敗也昔者六國有
地千里師敗於秦散而復振几百戰猶未及其都守
國之故也陳勝項梁率關東之衆朝敗而夕滅新造
之勢也以天下之廣謀其國不若千里之固而襲新
造之勢徼幸於一戰庸非惑哉兵久弭士大夫誦聖
謂百世不復用非甚妄者不談然兵果廢則已儻後
世復用之鑒此少以悟世主故迹其勝敗云

息戍

國家割棄朔方西師不出三十年而亭徼千里環重
兵以戍之雖種落屢擾即時輯定然屯戍之費亦已
甚矣西戎為寇遠自周世西漢先零東漢燒當晉氏
羌唐禿髮歷朝侵軼為國劇患具師定律皆有成功
而勞弊中國東漢尤甚費用常以億計孝安世羌叛
十四年用二百四十億永和末復經七年用八十餘
億及段然明用裁五十四億而剪滅殆盡今西北四
師涇原邠寧戍卒十餘萬一卒歲給無慮二萬平騎
秦鳳鄜延
兄卒較其中老給之教恩賞不在焉以十萬衆較之歲用二十億自

灵武罷兵計費六百餘億方前世數倍矣平世屯戍
且猶若是後雖無它警不可一日輟去是十萬衆有
益而無損期也國家厚利募商入粟傾四方之貨然
無水漕之運所輓致亦不過被邊數郡爾歲不常登
廩有常給頃年亦嘗稍匱矣儻其乘我荐飢我不濟
師饋饟當出於閔中則未戰而西邊已困可不慮哉
為今之計莫若籍丁民為兵擬唐置府頗損其數

府千二百人中府
千人丁府八百人料京兆西北數郡上戶可十餘萬

中家半之當時兵六七萬今邊鄙
數郡民籍寡少不足備敵

質其賦無它易賦以泉名者
不易以五谷畜馬者又蠲其雜徭民

幸於庇宗樂善隸籍農隙講事登材武者為什長隊
正盛秋旬閱常若冠至以閔內河東勁兵傳之尽罷
京師禁旅慎簡守帥分其統專其任分統則柄不重
專任則將益勵堅於守備習其形勢積粟多教士銳
使虜衆無隙可窺不戰而潰兵志所謂無恃其不來
恃吾有以待之其廟勝之策乎

述享

宗廟世數先儒論之甚詳歷朝頗以七世為允此不

復議然郡國建廟及陵寢之制可得槩奉自漢世郡

國始立祖宗廟及從叔孫議增建原廟則京師祖廟

有二若夫陵寢之制則因蔡氏而寢廣之古不祭墓

側漢因之諸陵寢皆以晦望二十四氣三伏社獨顯

宗遺制無起廡屋故張鋪稱之曰顯節陵掃地震祭

敬率天下以儉也魏武高陵依漢立祭殿黃初三年

園邑寢唐氏陵寢頗循漢制之後朔望上食昭陵依

殿遂絕景危特世豐昵廟祭非古詔乾陵朝脯進奠

昭獻二陵每日一祭御史進正觀式春秋仲月遣使

勅軋陵冬至寒食遣外使忌至於西都行幸並建太

室中宗後兩京太廟四時俱享自後設者紛焉大

或建廟主而不祭皇每時也則就享三日存廟瘞主駕

今奉漢唐之典迹其制度大率主於隆而不主於殺

也豈非篤孝思之意廣親仁之恩乎然觀夫先王之

致孝也極乎配天盛乎禘祫致精明之德躬裸獻之

禮重之慎之盡夫至誠而已若乃盛日祭於園寢委

時享於下國雖美物備致而至誠不篤而夫周頌所

稱不其異哉

審斷

漢史書元帝優游不斷為衰世之戒夫擊御臣之柄以強主威孰不由斷哉然斷者或審之以昌或任之以亡周公忍親之誅尼父行偽辯之戮漢祖從輓輅之說審於己者聖審於人者明也商辛酷忠良之刑桓靈極黨錮之獄任於己者暴任於人者昏也是故天下惑之我行之審於己也我惑之正人莊士言而從之審於人也天下賢之我戮之任於己也我惑之嬖幸近習言而聽之任於人也與其斷而不審不若優游之愈也嗚呼聖或所不能暴或所不為若昏與明後世其監哉

原刑

刑罰世輕世重其來尚矣降三代稱治其盛有堂上之憲今天較施於今不甚異而正規中天下斷死刑止數十其治至矣正規四年天下斷刑二十九人國家兩河罷兵三十年民力不罷仍歲豐稔而斷重辟過歲二千元年至三年或二千七百聖君慈仁未嘗以威怒肆二千四百下乃二千二百一不辜其請傳死者率用恩貸昔帝無以尚此然斷

獄煩簡何其遼哉夫今之罪麗於死者貧十居九非貧不忌法蓋其自愛不篤也夫南畝之民儲一歲之備者十鮮一二其次擁錢富室出倍稱之息其次質產入租及為人傭下乃轉徙他郡壯者隸兵弱者勺食不幸為盜賊窮矣今歲殺盜千數而為盜者十不一死是天下盜常數萬也遠雅徐樂憂天下之患可為深戒至若山澤之利右未摧者復盡錮之矣故民輕於犯禁徂於變詐勢使然也國家盡地力籠物貨非以自奉顧用度廣尔今天下有承平之名而不減興兵之費雖欲輕斂弛禁亦未克也彼正覲世四夷非素弱也警急非無備也文物制度非暫削也何德而及此亦御之有術而已今欲師正覲之省刑若莫究其源其源在謹兵籍制經營而已夫兵食不浮國用不冗然後賦斂可輕山澤可弛人人自愛而重犯法也如不究其源蚤日下欽恤之詔察小大之獄欲犯法者不究則庶矣期于刑省不其難哉

敦學

今太學生徒博士授經明發章句究極義訓亦志于

祿仕而已及其與郡國所貢士並拔其術碩所得經
義訖不一施及不若閭里誦習者則師道之不行宜
矣若俾肄業太學者異其科試唯以明經為上第則
承學之士孰不從於師氏哉設學校誠甚
高論然天下業經以萬數而傳師學者百不一二不
登其源蚤置之無益也又卿大夫家階賞典得仕者
其年及程止技以章句為中格悉用補吏非志學者
不能自勉故門選益衰世德罕嗣廢學故也周官師
氏掌教國子蓋公卿大夫子也今祭酒實其任謂由
門調者宜籍於師氏策以經義始得補吏優其高第
勗其未至則學者益勤仕者能世其家矣

矯察

國朝規唐制設登聞四檢廣言事之路而憲防未著
非以懲艾誣訕敦勵忠謹也若乃訛切介主建明時
政固上之所欲聞也至於扶掖隱過牟歛細利寧有
補於政哉夫唯續非以蔽聰外屏非以蔽明蓋任視
聽不足盡乎聰明也前世君國者或喜聞外事任察
為明有陳閭里之事者嘉其無隱以為傾尽至其垢

汚忠賢害莫甚焉是以鈎黨之錮發於近習告密之
獄起於廣聽細鑿前事豈不根於微萌哉謂可申嚴
著令凡人之隱慝非律所得言者罪之謀利而遺民
者報罷則昌言日進而險微幸者少倣矣

考績

國朝考績之制自五品而下悉自上功狀有可程殿
最喪奏以陞退之所以甄年勞而重祿賞也夫以庸
制祿天朝之典也難進易退人臣之常也故上推其
賞下競於讓官唯其才衆無覲心然後廉耻具行夙

俗敦厚也今臣下自紀績效以干賞典是則銜鬻者

被錄沉默者稀遷奔競之風靡然成俗得不矯其蔽

哉按唐正規故事門下買其負以次補庶官未嘗人

人自薦以希進用也

建中三年中書上言正規故事
常叅官外官五品已上每有除

拜中書門下皆立簿書謂之具負取其年課以為廷
授此因之大經也今請刺史四考郎中起居侍御史
各兩考餘官各三考
與轉餘並准故事官循其制申命有司自五品而

下謹其官簿取歲月當遷者籍其治行于朝而命之

有司失奪苟自上功狀者鈎其罰庶乎爵賞之柄出

于天朝貪冒之源少以懲艾豈非崇讓之一端乎

廣諫

昔舜命禹曰毋若丹朱傲周公戒成王曰毋若商王受又曰小人怨汝詈汝則皇自恭德是則君臣道隆辭達而已矣然禮有五諫聖人從諷者蓋為人臣言之也若為人君言之蚤聞怨詈亦將自儆不無益也或曰禹周公奚不諷曰申戒於未然蚤激猶諷也陳事于已兆蚤諷猶辦也夫禹周公之為臣也欲其君克終厥戒俾後世不見其過奉德美充乎無窮而夫遠而弼之異矣嗟乎後世以禹周公之道事君者庸非忠乎

河南先生文集卷三

雜文九篇

河南府請解投贄南北正統論一首

攻守策頭問耿傳一首

憫忠辨誣兵制退說

好惡解三篇

河南府請解投贄南北正統論一首

論曰天地有常位運曆有常數社稷有常主民人有常奉故夫王者位配於天地數協於運曆主其社稷

庇其民人示天下無如之尊也無二其稱也故易曰
大寶史曰神器苟社稷有主而僭其稱號則其名曰
盜其位曰竊示萬民可得而誅後世可得而貶千古
不易之道也自晉室不綱五胡猾夏元帝艰难否運
奄有東南景命未融不失舊物迄於恭帝百有四年
宋祖有代德而受外禪復六十年而禪齊七二十六
年而禪梁七五十年為侯景所篡梁元帝攘戎狄而
篡舊位遷都江陵三年為西魏所滅則東南之運絕
矣始後魏道武晉以太元二十一年即位都代後六
代孝遷都洛陽後復六代孝武遭高歡之難遷都長
安是為西魏西魏三代恭帝二年始平江陵江陵平
一年禪于周七二十五年而禪于隋七三十八年而
禪于唐推而言之則東南承袞之運至江陵陷沒當
傳于魏七傳周七傳隋七傳唐為得其實而江陵之
陷陳霸先立梁元之子方智為帝復不能輔而代其
位是為陳蕭答據一州之旅稱帝三世是為後梁魏
孝武之西遷高歡立清河王子善見為帝稱東魏既
而高歡子洋篡其位是為北齊而前史列東魏後梁

並為帝號北齊陳氏各有國書逆順不分稱謂紛揉
若以蕭譽為中興之主霸先是曰元兗霸先為受命
之君隋氏當為叛國昔蜀先主以宗室之胄據有全
蜀為魏所滅罪黜其帝稱吳孫權以三州之眾傳反
四世為晉所併竟斥其名以義則蕭譽未及漢中以
地則霸先豈偕孫氏東魏之立不異於聖公益子北
齊之僭有同乎劉聰石勒但後梁東魏有國之後可
正以王名陳氏北齊竊號之臣宜斥為叛寇或曰子
以魏平江陵始為正統則道武而下亦不可以稱帝
列紀耶北齊後周俱承魏禪豈獨帝周而虜齊耶予
曰不然夫魏武晉宣未享於皇極陳壽干寶各標其
帝號彼為得理此復何嫌况魏氏孝文已來文物太
盛三分天下有其二至於末世竟平江表在昔秦為
列國太史公尚為立紀者蓋以其後世能成帝業也
此則恭帝而上不犹愈於莊襄前耶但統而言之平
定南土方為正統非謂道武而下不可稱帝列紀也
且孝武避狄於秦安定公披草萊建宮室重延魏祚
踰于二紀而受其禪魏傳其璽齊為其虜梁為其臣

隋承其運非帝而何高氏出其君篡其位竟擒于周
非虜而何噫周之吳楚太伯鬻熊之後也怙恃其衆
僭號稱王仲尼修春秋而夷狄之聖人之旨垂誠於
方來所以亂臣賊之子懼也惜哉唐太宗世修五代
史蓋宰執史官多齊陳之人或其勲烈之後是以各
夸本國並列正史失之一時悟及千古至使亂臣賊
子謂方面可擄位號可竊為下莫得而誅後世莫得
而貶不其惑哉不其惑哉

攻守策頭問耿傳一首

問兩師之興幾一歲矣為守計則師無還期坐耗廩
粟又邊稅所入不廣當有轉輸之勞若乘之以飢凶
民困於內兵久於外非策之善也遠惟前世深入之
利近鑒至道之役豈謀今者不可參以古事將勝敗
不繫於人也然則攻與守必有一術焉為今計者當
如何所論守之害與計勝之說然則若云析李族擊
其前大將繼而乘之似未得宜何者二族壤地相遠
雖俾俱進其戰地戰日不能預制是有俱進之名其
實不能合勢也彼若置一族之衆縱之深入獨與一

族之共鬪則衆寡相絕勝勢在彼矣彼既勝則深入者益孤吾之大軍復何乘哉古有攻其所必救者虜之必救何地耶所謂吐蕃迴鶻者正合以夷狄攻夷狄義然今之哺廝頗得吐蕃故地猶見命於朝迴鶻有君長通于京師此二國驟親之使其自為政計恐不能得其深効徒市虜自利耳若循唐至德故事使大將領之有虜且不從凡此皆當詳極其說

憫忠

甚哉世人謀其身之周也山外之戰妍水川姚家山

屬平涼西去華牧諸將以死明白不可欺得諸將尸

趙律者或者咎其失計且不與其死噫趨利以違節

度其失計信然經略副使韓公行邊二月己丑至高

先募勇士總萬一千人俾行營却署任福統諸將

合力以制之於是都監桑柝為先鋒鈴轄朱現繼之

武美又次之任福居後其夕宿三川城已過懷遠東

南去翌日諸將由懷遠躡其後西路延檢常昂列

與賊戰于張家堡南斬首數百賊奔馳馬牛羊萬計

桑柝以騎趨之任福又分兵自將以往其夕任福桑

柝為一軍屯好水川每賊接壘朱現武美為一軍屯

籠落川隔山相去五里旣遣信相通期以明日會兵

川口不使賊得逆去是時吳賊自將兵十餘萬衆營

於川口還者言賊四塞然數少是以兵益進

東羨不屈柰何不與其死也癸巳任福桑柝逐賊循

隆城五里而賊大軍遇降馳犯其鋒賊益兵自辰至午軍潰賊布列肅俱戰沒任福一子在陣亦死福中數箭小披刺進勸福自免福曰吾為大將軍敗何以苟生一死足以報國遂死之先是韓公居渭州都監趙律將瓦庭騎軍二千二百為諸軍後繼是日及朱現武英會兵于姚家川而賊遇戰合行營都監王珪自羊牧隆城以屯兵四千五百夾陣于朱現陣西珪屢出略陣口堅不可破武英重傷不能視軍自午至申賊兵大至東偏步軍潰衆遂大奔王珪武英趙律及恭叔軍事取傳隊將李簡鎮戎監軍李禹亭三川監軍劉鈞皆死于陣朱現以餘衆千餘人保民坦發矢四射會暮賊引去現與任福戰處相去十五里然至敗不相聞也始賊未餘官軍遇大掠武延川諸將既戰死即以其夕收軍去故山外之民不甚被毒然諸將戰兵以千六百摠二萬三百死者忠義世之六千餘人指使軍校死者數十人

所高死人之所難以甚難之節負至高之名苟與之則已當蹈之矣惡所以謀其身執善謀其身者不然必非日喪之兵沮威雖死吾弗苟然後享其富保其生為無愧為身之謀豈不周乎寇讎在京師兵在行欲必生以保功難乎執嗚呼喪兵沮威以取死豈諸將心耶亦不幸而已為國家言無使謀其身者終其幸死義者重不幸則節士勸矣

辨証

山外之役恭軍事耿傳在行傳以通判慶州恭任福當往韓公戰合虜騎益至或以傳文吏無軍責勸其諷之遂行

避去傳不願被戮創死于陣

行營都監武英勸傳避去傳不答英曰英當死

君非主兵者奈何遂於英俱死未敗時鈐轄朱覲亦

戒傳少避鋒鏑傳愈前指願自若覲及武英子言甚

詳人或誣之曰傳督諸將進使旬大慙卒遇敗傳致

也後得傳與諸將書戒以持重慮為虜誘此豈督諸

將進耶壬辰夕傳在朱覲營中作書與任福以其日

名以致任福軍中任福敗孔月吏以書白韓

公公即奏上之具錄其言以示疑者尔宋吳八

十載文吏死事者或以城守之責或不幸與禍會其

死羨一也至如臨大敵不懾而饒雄之士爭致其命

如傳比者亦鮮悲夫謀既不用又從之死犹不免於

兵制

誣為誣者豈喜於立異耶惡夫為忠耶作辨誣

今之戎狄地兼燕涼然強大之勢未過乎前世中國

士卒專力武事非若古者籍兵於民農戰兼用者也

是中國兵勝於古夷狄不勝於古也古者中國鞭笞

四夷而役屬者有之給繒帛以懷柔者有之與之戰

或勝或負者有之今厚賂以厭其求惟恐不及或與

之較未嘗一勝焉其故何哉非夷狄之強非中國之

兵弱法制之失也何謂法制之失以吏事而制戎事

也為今而言策之長在戰與守策之失在禦與救廢策之長用策之失所以亟敗也假以虜事言之若聞其將寇我境我之大將不計敵衆寡之勢不論戰速之利必分兵禦之禦之不勝制令者曰吾知出兵而已行者曰吾奮命而已朝廷必薄其責議者亦置其罪苟不禦之雖全其師朝廷誅其逗留議者稱其畏懦此所以必禦之也若聞一城被圍不計受攻之急緩不論城壘之堅脆必盡銳救之救之不勝制令者曰吾知救之而已行者曰吾知死之而已朝廷必薄其責議者亦置其罪苟不救之雖城獲全朝廷咎其不進議者言其坐視此所以必救之也禦與救非將之罪也以吏事制戎事法制之失也或曰禦亦戰也救亦戰也禦與救皆為失策何為戰為長策也失禦與救非利於戰不得已而戰也非我利則敵之利也所謂戰者我利則戰不利則不戰先計而後戰者也先計而後戰鮮不勝矣不幸而不勝者將之罪也然則中國之為守備久矣何得為守為長策而廢不用也所謂守者方面之守非一堡一障之守也非

尺寸之地守也今敵入吾地不計衆寡利害而禦之敵圍吾城不計聖脆急緩而救之禦之必敗救之必敗兵潰于外民潰于內失所以為守矣守方面者異于是使城上自守毋望救兵之出蓋兵不出則勢不分勢不分則有以待之夫待之者不戰則敵疑作戰則敵懼必戰則敵北能守所以辦戰能戰所以濟守明戰守之利而不得志於夷狄者未之有也

退說

予家洛陽汝距洛為近凡過汝而館昭禪師居者三十年矣今年貶官漢東道汝復館焉因言禪師始見予進於文已而益進以名遂以仕禪師視予之為進久矣山林樂也盍退乎以休吾勤禪師曰退於進均有為也不若兩忘焉予踈然愧其說之勝然予之所謂退者豈以進為不偶退為高耶直以不才於退適宜尔樂之不為過也既而自詆曰予之不才於退適宜者非今而始自知也向天子命之治民又命之治兵不於是時自退今以罪黜乃曰樂退退之樂與否非所得而言也禪師之說旨哉於是作退說以自儆

好惡解三篇

甚矣世人毀譽之亟也。觀人之色，辭則是非紛焉。其色之莊也，譽之則曰重，而有守毀之則曰狠，而自得其色之和也，譽之則曰易，而兼容毀之則曰諂，而求合其辭之寡也，譽之則曰慎，而讓善毀之則曰險，而伺過其辭之傳也，譽之則曰通，而適理毀之則曰夸，而尚勝為是說者，皆好惡之為也。好惡，察乎其人，非性之所好惡也。噫，色與辭，烏足以盡其中耶？吾將一之以恕，規其色，不曰重，則曰易，而已；聽其辭，不曰慎，則曰通，而已。每其失於夸，不犹每失於毀也？若夫察其中也，必考乎古聖人之道，由之者貴，之戾之者賤，之貴者為君子，賤者為小人，貴賤者君子小人之分，非吾所得而貴賤也。何好惡之為？訊或曰：子之謂好惡，察乎其人，非其性之所好惡為訊者，茲惑焉。夫介者好拘，通者好放，晦者好默，察者好辨，反是則其所惡是皆性之偏固者也。若因其人可好則好之，可惡則惡之，不亦廣哉？予釋之曰：吾疾夫世人毀譽之亟也，視其外而不考其中，摘其末而而究其原，故奉色

辭而言蓋淺之為好惡非其人有好可好可惡之實也是以一之於恕而已則性之偏固者不犹莫哉果其可好惡予固曰君子小人之分矣詩云好是正直傳云惡夫倭虫聖人不無好惡也庸何疑哉

或者復曰好惡發乎其人与性之所好惡奚以異邪人之性莫不有好惡者也其施於人同者好焉異者惡焉是好惡皆發於已何從而發於人耶子應之曰吾友有愛直其議論古今必以直為愛也然有所不喜者考其人慤士也予質焉荅曰惡其邪也是則惡者是而所惡者非也惑者遂解

